

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO  
PUBLIKOA, BARNEA ETA JUSTIZIA

HERRITARREKIKO ETA  
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA  
ETA TOKI ADMINISTRAZIOA

SEGURTASUNA ETA LARRIALDIAK

## Nafarroako Gobernuaren adierazpen instituzionala Kataluinako egoeraren aurrean

*Dokumentua gaurko bilkuran onartu du*

Asteazkena, 2017.eko urriak 11

Nafarroako Gobernuak gaurko bilkuran honako adierazpen instituzionala onartu du Kataluinako egoeraren aurrean:

Espainiar Estatuan eta, ondorioz, Europan azken asteotan bizitzen ari garen egoera zailtasun handikoa da, larria, eta, beraz, erantzukizun historiko handia eskatzen digu.



Nafarroako Jauregia.

Eta interes orokorraren defentsa lanbide hartu dugunok ezin dugu ez ikusiarena egin, horrek ez baitu ezertan laguntzen. Erakundeek konponbideak eskaini behar dituzte, konponbide politikoak, eta, hortaz, ezinbestean, elkarrizketan oinarritutako konponbideak, Katalunian ez ezik Espainia osoan gertatzen ari den tentsio goraldia gainditzen lagunduko dutenak.

Horri dagokionez, Nafarroako erakundeak, eta Nafarroako Gobernua haien buru, lan egitera behartuak gaude, gure erantzukizun eta baliabideen arabera konponbideak eskaintzera. Horregatik, lehenik eta behin, elkarrizketarako dei sendo eta irmoa egiten dugu.

Kataluniako Generalitateko Puigdemont presidentek, atzo, horretarako bidea ireki zuen.

Nafarroako Gobernuak, lehenbizi, aitortu nahi du bai Kataluniako lehendakariak bai hango parlamentuaren gehiengoak egindako ahalegina.

Baina, batez ere, aintzatetsi eta goraiatu nahi dugu erabaki honekin Kataluniako gizartearen parte handi bati eskatzen ari zaion esfortzua, herritarren parte izugarri handi batek urriaren 1ean modu demokratikoan botoa emateko eskubidea errebindikatu eta gauzatu baitzuen, nahiz eta denok ezinbestean gogoan dugun haren kontra erabilitako indarra, eta nazioartean utzitako irudi ahaztezia.

Nafarroako Gobernuak, bestalde, aintzat hartzen du Kataluniako gizartearen beste parte hori ere, urriaren 1eko hauteskundeetan parte ez hartzeko erabaki zilegia hartu zuena. Horrek ere egoera honetarako konponbidea bilatzeko eskatzen digu.

Kataluniako gizarteari zor diogu hain zuzen ere gure konpromisoa,

eta, behin honetara ezker, datozen orduetako urratsetan konponbideetan asmatu ahal izateko borondatea.

Helburu hori buruan, Espainiako Gobernuari dei egiten diogu, baita Estatuaren erakundeei ere, elkarrizketaz balia gaitzezela egoera bideratzeko.

Nafarroako Gobernua jakitun da elkarrizketarako deiek oihartzun desberdinak izaten dituztela, baina, ikuspuntu desberdinak egonagatik, ezin dugu etsi, ezin dugu pentsatu soluzio politikoa ez den beste bide batzuk erabili behar direla.

Ez. Politikatik kanpoko beste edozein erantzunek, desberdinen arteko bizikidetza sendotu beharrean, gizartea urratuko luke.

Azken egunotako gertaerak direla-eta, Nafarroako Gobernuak, bestalde, bere kezka adierazi nahi du, honezkero desagertua zela uste genuen ultraeskuin frankistaren piztualdia ikusi baitugu.

Kezka berezia, bai, Nafarroan, izugarrikeria haien ondorioak gaur arte ailegatu baitzaizkigu. Memoriak ere garbi oroitarazten digu egoera hau elkarrizketa demokratiko, sendo eta irmoaz bideratu behar dugula. Mugarik gabe, adostasunez gaurkotutako legaltasuna izanik zerumuga bakarra.